

清孝外史叟精

卷一百一十五

弟

九

十

卅

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百七十七

光緒二十九年八月下至九月

目錄

鄂督張之洞致外部及呂盛伍細按日約尙無喫虧電八月二十一日

鄂督張之洞致外部日約於漢文畫押後再商定十二五稅數未免

責望過深電二十一日

江督魏光燾致外部黃浦事滬道所擬商改辦法尙妥電二十一日

鄂督張之洞致外部日約字義已定未便令補照會電二十五日

江督魏光燾致外部濬浦事前督劉張皆主不派員電二十六日

駐藏大臣裕綱致外部印藏齟齬乞阻英員前進電二十六日

外部奏覆展造汴洛鐵路支路與比公司議訂合同摺九月初十日

外部奏議訂中法滇越鐵路章程摺附章程及照會初十日

直督袁世凱致樞垣東省俄員向將軍索收地原文電二十六日

呂海寰盛宣懷致外部德法葡丹瑞各國議約情形電二十八日

使英張德彝致外部山侍郎謂藏人玩視中朝號令電二十八日

直督袁世凱致外部俄人甚以我允東省開埠爲憾電二十八日

鄂督張之洞政外部日允附件照會改爲查酌辦理電二十九日

目錄

清季外交史料卷一百七十七

男希隱亮編

黃巖弢夫王彥威輯

孫孝章敬立校

鄂督張之洞致外部及呂盛伍細按日約尙無喫虧電
滬津各電均悉查前數月敝處奉旨議日本商約內田意欲在京商定
電滬照辦適杏翁在京鄙人當以一人智慮有限恐有貽誤特面邀杏
翁留京會同與議當承杏翁允諾已與內田商允並定期初八日矣乃
杏翁忽以有疾函告言次日即須出京鄙人深爲焦急當夜飛函懇請
暫留不得已於次日黎明力疾趕赴前門車站挽留仍不見允又偕乘

火車至豐台沿途商勸回城並討論日約所請先議之三條等事足見一人獨議誠非本願無如杏翁堅不肯回經再三商懇始允到滬調治十餘日卽還京乃杏翁總不北來鄙人只可兢兢從事冀不失大部及慰帥諸公意旨初議數次內田堅謂日本加稅止允值百抽十煤炭棉花等貨尙須提出徧查從前上海各電並送來問答皆如內田所云並無允照各國一律加稅之說杏翁在京屢次晤談亦無此說今杏翁來電忽謂日本已在滬允許一律加稅諸公不許因而停議殊爲詫異杏翁殆病後恍惚誤記耶查內田在京初議首一月尙無此說直至六月見我始終不肯絲毫放鬆始電商彼政府允照各國一律滬上如果早得日本通融消息何竟杳不通知耶竊謂此次畫押爲期甚迫勢不及

先與諸公熟商殊爲抱歉然此中情節不能不爲諸公陳之日約各款本擬俟議有端倪即可一面先行電商一面從容再定畫押之期奈會議多次各條皆懸而不定以致難於奉商直至本月末次會議內田始云昨夜接其政府電本月十八爲東三省退兵之期聞美約於是日畫押若日約亦能同日畫押於東三省事不無小補是以允願將疊次所商增添刪改各節一概遷就此敝政府爲本國計亦爲貴國計我政府種種厚意務須告知中國政府等語私念畫押期雖稍促然彼所爲兩國計者未始不然細按全約尙無喫虧之處是以允其十八畫押一面連夜將全約呈請大部核定一面飛電津滬商酌設杏翁果指出此約之大謬處鄙人亦何故偏執已見然杏翁來電所指爲窒礙者僅幾分

二字而已幾分二字英約洋文字義卽係如此具詳前電至日約另指大東溝者係經大部詳酌核准部意並非不知美日可以均霑其用意正與慰帥電略同津滬不知詳情故耳是全約似無大礙又接滬電囑擬奏請旨適於十六日赴園商請政府面奏請旨於十八日畫押此議約始末之曲折情形也至杏翁謂第一款未聲明稅數日人含糊他國效尤英美兩約將來並不爲據未免過慮亦近深文將來各國若照日本一律聲敍無一國異議既有英美兩約在前便是允照加至十二五但恐各大國皆自握議稅之權斷不肯照日本聲敍耳況俄法兩國皆有陸路關卡與他國情形不同必須自議耶德法俄三國如議不妥雖日本允加十二五或加十五英國肯照辦耶小田切初謂彼約次序乃

日外部所改及至十八又不待請示外部即允照京定次序可知杏翁實是慎重條約小田切乃是借不要緊之事故意作難也可歎

八月二十一日

鄂督張之洞致外部日約於漢文畫押後再商定十二

五稅數未免責望過深電

滬效電悉前滬電謂英約決不肯言十二五稅僅抵幾分等語經敝處將英約第八款第八節洋文言明十二五僅抵幾分之字義指出商允內田照英約華洋文酌改刪去華文幾分二字竊謂庶幾免矣乃杏翁此電又謂英約明言倍半之數故不著重日約不言明稅數此二字甚爲著重囑商內田將加稅十二五之意另用照會聲明等語夫以鄙人之才智短淺在京力爭三月止能令其照各國一律加稅誠爲可愧然

滬議已經十月以杏翁之才識優長精於商務亦曾在滬商議數月僅允加至值百抽十疊次函電從無允照各國一律之語今乃欲鄙人於漢文畫押後與商明定十二五稅數未免責望過深竊思滬議止允抽十京議則允照各國一律迥然不同英美抽十二五日止抽十是作梗也英美已有十二五之數日云照各國一律是從衆也作梗是駁英美約也從衆是助英美約也必令日本寫明十二五既斷辦不到則從衆不猶愈於作梗乎若因不肯指明十二五遂致罷議豈非將英約中必須各國照允之語先坐定有一不照允之國乎日本既因加稅罷議以後德法俄各國更何能商乎查英約云裁撤釐金於進款大有所失所加之稅冀可酌補尙有內地土貨釐金進款之所失仍須籌補等語明

是十二五未能抵足可以爲證杏翁來電謂日約酌補二字不如抵字
英文酌補二字爲下文徵銷場稅起見等語今日約上文亦言酌補下
文亦緊接中國徵收出產銷場出廠等稅等句與英約詞意何分輕重
何以英約則是而日約則非耶彼旣言加稅不足抵全釐我正可執爲
徵收出產銷場之據是日約幾分二字於實事並無出入因諸公皆不
以爲然故已與商改令其照英約華洋文一律聲敘今內田旣肯改用
英約第八款第八節華洋文字足見英約日約意實相同矣此次議約
並非鄙人一人所敢率定屢次詳達大部請其斟酌核定大部亦謂爭
至無可再爭倘杏翁尙不謂然可請即日乘輪北上與內田面商或可
有濟自滬至京不過四五日鄙人當力商內田暫緩洋文畫押數日以

待可也八月二十一日

江督魏光燾致外部黃浦事滬道擬商改辦法尙安電
黃浦事飭據滬道覆稱派員後種種爲難不如將附款有礙全河權利
請與各國公使商改擬陳商改辦法一由中國自籌全費獨力任辦二
聘外洋工程司只承辦工程工竣卽辭退三沿江沿海各燈塔浮標水
巡引港一切事宜向歸海關經理者悉仍其舊四擬請各使免各商籌
付工程一切捐項至和約附件所定捐款經劉忠誠函詢各領設商民
抗不遵繳按照各國定例能否勒令照付除英政府發有專條英總領
已勒令照繳外其餘各領均未聲明是否有權蓋泰西各國設有新立
捐項未經議院核准均無權勒令商民完繳此次所立和約未經各該

國議院核明致各領未能切實擔保能否照繳各國尙無把握等語此事所關主權甚大一經派員即難設法挽回劉張兩任堅持至今已屆三年其三年修改之說原約中並未聲明係指舉辦後而言且各國商民捐款能否一律照繳各領尙無把握乃遽迫我照辦殊欠公允滬道所擬商改辦法不爲無見應請鼎力主持會商各公使設法擬改以保主權八月二十一日

鄂督張之洞致外部日約字義已定未便令補照會電滬號二電悉杏翁謂日使曾告美使日約可照美約辦理何以當時不飛電告知京津未解其故查上海鈔送日約會議問答內三月十九日最後一次密電日使云敝國已決計不能將進口稅加至值百抽十之

外即各國允照英約辦理敵國亦決不允等語在滬所議決絕如此有案可查想杏翁忘之耶今在京費盡磋磨始允加稅一款照各國一律出產銷場出廠亦均照允又索允最爲難之防閑報館優待華民抵換北京開埠三大端內田向我政府送了許多人情彼此迫於關東退兵之期只可定議今欲於畫押之後再補照會鄙人實無此策當商伍秩翁請與內田一商秩翁云日約重在一律照輸不重在酌補二字今必欲令補送聲明十二五之照會彼至多言各國全允十二五彼亦照輸十二五而已與一律照輸字義何別況在畫押之後併此亦必難允實不值向之啟齒等語因思日約英日文尙未畫押者以繕校不及彼此通融若借此要挾無益有損望杏翁再平心察之爲幸八月二十五日

江督魏光燾致外部濬浦事前督劉張皆主不派員電
漾電敬悉濬浦事囑即遴派妥員以示允認商辦卽由所派之員會同
滬道與各國人員詳細商改辦法以符公約而保主權等因查此案劉
張兩前督皆力主不輕派員蓋一經派員開辦卽須照約而行所謂獨
任全費辦法必將無可置議卽使極力磋磨不過商改一二小節於大
局仍無裨益況各國在局人員祇有辦事之職並無改約之權若欲責
令所派之員商改辦法期保主權竊恐無此權力現據滬道密稟德法
兩領暗中助力情形已另函密切商辦必俟各公使允改前約認我獨
任全費辦法而後我可派員據滬道所陳四條辦理應否如斯伏候鈞
裁再康使昨來寧並未談及此事似彼等不過一遇交涉則以此藉口

其非實力催辦可知並以奉聞八月二十六日

駐藏大臣裕綱致外部印藏齟齬乞阻英員前進電

馬養宥各電敬悉印藏邊事英人恃強藏番頑梗雖經本大臣迭次開導始終冥頑不化至達賴所派番官雖給有文憑但因英人帶兵越界於初見時扣馬阻擋經英人以馬鞭揮飭卽已傷和刻下不惟尙未開議且因交涉小節時常齟齬動輒歸咎漢員以致與何守不睦兼之何守因病請假旋准印度照會以何守巴稅司官職與榮惠二員品秩不稱不肯開議茲准貴部催令番官趕速商辦無如藏英均有不肯開議成見是以本大臣恐於事不利將何守撤回改派靖西遊擊趙鈺分際較尊仍留巴爾會辦又照會云貴部函稱此事已派有大臣趕速西行

與惠大員商辦並請另派噶布倫赴邊會議等語查有大臣尙無由川起程確信印督即殷殷爲問希電催速來庶邊務不致因遲生變至請派噶布倫已經本大臣譯咨達賴迅派權重噶布倫往查得覆即電又照會云英京復添派會辦大員韋來邊並云邊地寒冷榮惠二員另擇藏地過冬等語查印督來照意存莫測英員移地過冬之語已經本大臣函致巴爾代阻去訖查現在唐古忒各隘均有防兵若英員再冒入寸地即釀成眉急之釁仍乞貴部代阻爲要八月二十六日

外部奏覆展造汴洛鐵路支路與比公司議訂合同摺
總理外務部慶親王奕劻等奏爲遵旨覈議事本年八月二十日准軍機處鈔交河南巡撫陳夔龍督辦鐵路大臣盛宣懷奏展造開封河南